

Zesummen an der Natur



Programm fir Naturaktivitéiten um Misärshaff
2025

fnel   
scouts & guides



www.misaershaff.lu

misaershaff   
centre de formation jeunes



Zesummen an der Natur

Een Ausflug mat der Klass ka fir d'SchülerInnen ee besonnescht Erlefnis sinn. An deem Kader bitt d'FNEL a sengem *Scouts Center Misärshaff* neierdéngs den Aktivitéitsprogramm, "Zesummen an der Natur", un.

An engem non-formelle Kader kann de Grupp zesummen een Dag an der Natur vebréngen an ënnerschiddlech Naturerfarungs- an Ëmweltaktivitéite buchen. Mir leeën Wäert op d'Scoutstechniquen, mat all de Sënner d'Natur ze entdecken an ze erliewen, an dobäi relevant Erfarunge fir sech selwer kënnen ze maachen.

Dës Aktivitéite riichten sech haaptsächlech während de Schoulwochen u Schouklasse. Kanner- a Jugendorganisatiounen, déi eng Iwwernuechtung um Misärshaff geplangt hunn, kënnen och vun dësem Programm profitieren. Fir eng flott an dynamesch Aktivitéit kennen ze garantéiere sinn d'SchülerInnen wéi och d'Enseignanten aktiv an de Programm agebonnen.

Momentan bidde mir d'Aktivitéite während dem **1. an 3. Trimester**, jeeweils **Méindes**, **Mëttwochs** oder **Freides** un. Eis Aktivitéite fannen ëmmer ganzdags vun **9:00-15:00 Auer** statt (adaptéierbar un d'Dauer vun der Un- an Ofrees) .





Zesumme staark

Thema: Zesummen als Klass
verschidde (Natur-)Challenges léisen

Zielgrupp: 7ème + C4 (3.Trimester)

Zäitraum: September bis
Allerhellegevakanz an 3.Trimester

Käschten: 15 € pro SchülerIn
(Mëttesiessen ass mat dran)



Fir de Schoulalldag gutt kënnen ze meeschteren ass eng gutt Klassendynamik vu Virdeel. Schwierereg Situatiounen sinn oft méi einfach ze iwwerwannen, wann ee gutt Klasseklima herrscht.

Zil ass et zesummen als Klass ee flotte Moment an der Natur ze verbréngen. Et gëtt net nëmmen zesumme Feier gemaach an drop gekacht, mee et sinn och aner Aufgaben am Grupp ze léisen. Dobäi fléissen Scoutstechnique mat an.

Déi verschidde Joreszäiten entdecken

Thema: D'Joreszäiten an der Natur
entdecken

Zielgrupp: C2, C3

Zäitraum: 1. + 3. Trimester

Käschten: 10 € pro SchülerIn
(Picknick selwer matbréngen)

Wat gëtt d'Natur eis an deene verschiddenen Joreszäiten hir?

Jee no Saison ginn ënnerschiddlech Atelierer ugebueden. Ënnert anerem gëtt um Feier gekacht, geschnëtzt, d'Natur entdeckt oder mat Naturmaterialië gebastelt.





Solar- a Waasseraktivitéiten

Thema: Aktivitéiten zur Solarenergie a Waasseraktivitéiten


Zielgrupp: C3, C4, 7ème

Zäitraum: 3. Trimester

Käschten: 10 € pro SchülerIn

(Picknick selwer matbréngen)

Wat kann d'Sonn oder d'Waasser fir eis maachen? Wéi kënne mir d'Kraaft/Energie vun der Sonn oder dem Waasser an eisem Alldag notzen? Unhand vun Experimenter kucke mir wéi een Impakt d'Sonn oder d'Waasser op eist d'Liewen huet. Jee nodeems wéi d'Wieder den Dag selwer ass, dréinen sech d'Aktivitéiten haaptsächlech em d'Sonn oder d'Waasser.



Op de Spuere vum Biber

Thema: De Biber kenneléieren

Zielgrupp: C1, C2, C3

Zäitraum: 1.+ 3. Trimester

Käschten: 10 € pro SchülerIn

(Picknick selwer matbréngen)

Wou a wéi liewt de Biber? Wat ësst en a wéi iwwerbréckt hien de Wanter? Wéi eng Spueren hannerléist de Biber? All dëse Froe gi mir während dem Dag op d'Spuer.





Sënneswee "Kleng Natur pur"

Thema: Mat ënnerschiddleche Sënner d'Natur entdecken


Zielgrupp: C1, C2

Zäitraum: 1. + 3. Trimester

Käschten: 10 € pro SchülerIn

(Picknick selwer matbréngen)

De méi kuerze Wanderwee „Natur pur“ (2km) verleeft mëttenduerch ee landschaftlech ofwieslungsraicht Naturschutzgebitt. Mat de verschidde Sënner entdecke mir d'Natur op ënnerschiddlech Manéieren.



Dem Zéiwizéif seng séiss Spuer

Thema: Interaktiv Geschicht iwwert den Zéiwizéif an ee Kaweechelchen wat Wanterrou hält

Zielgrupp: C1

Zäitraum: November, Dezember

Käschten: 10 € pro SchülerIn

(Picknick selwer matbréngen)

De Piet huet fläisseg Nöss gesammelt fir seng Wanterrou gutt kennen ze iwwerbrécken. Enges Daags fënnt de Piet keng eenzeg Noss méi. Aner Déiere waren him zevirkomm. Beemol trifft en awer op eng ganz gelonge Spuer mat engem séissen Doft...

Interaktiv Geschicht zu där thematesch passend Aktivitéiten ugebuede ginn.





Praktesch Informatiounen

Dir sidd interesséiert un enger Aktivitéit deelzehuelen?

Dir hutt nach Froen zum Programm?

Zéckt net eis per Email **natur@fnel.lu** oder per Telefon **26 480 450-28** ze kontaktéieren.

Op dem Internetsite **www.fnel.lu/natur** (Accessibel och iwwert de QR-Code op der leschter Säit) fann dir de Formulaire fir är **Demande de réservation** an déi franséisch Versioun vun der Broschür.

Wat soll een op de Misärshaff matbréngen?

Mir wäerten gréisstendeels den Dag dobausse verbréngen, dowéinst dem Wieder no ugepasste Kleeder undoen. Waasserdicht Schong si vu Virdeel.

Bei verschidden Aktivitéite muss ee Picknick fir d'Mëttesstonn matbruecht ginn.

Dir wëllt méi lang wéi een Dag um Misärshaff verbréngen?

Iwwernuechtungen um Misärshaff sinn och méiglech. Weider Informatiounen fann dir op eisem Internetsite oder schreift ee Mail un **misaershaff@fnel.lu**.

Mir freeën eis op iech!

Scouts Center Misärshaff



De Misärshaff ass een ale Bauerenhaff, deen ab 1993 an e Scoutscenter ëmgebaut gouf a säitdem järelech vu sëllege Scoutsgruppen a Kanner-Jugendorganisatioun besicht gëtt.

E läit mëtten am Naturschutzgebitt, niewent dem Stauséi, a bitt den idealen Ausgangspunkt, fir Aktivitéiten an der Natur. D'Raimlechkeeten ginn 40 Schlofplazen hir an de Camping ass fir maximal 160 Persounen ausgeriicht.

D'Ecocabane, een autark bedriwwent Holzhaus, déngt als Seminarraum oder gëtt fir de Programm vum *Zesummen an der Natur* genotzt.



2010 krut de Misärshaff den SCENES Label (Scout Centers of excellence for nature and environment), an engagéiert sech domadder, sech aktiv fir d'Ëmwelt anzusetzen an dës ze schützen. Dëse Label gëtt vun der *World Organization of the Scout Movement* iwwerreescht.



Contact

Fédération Nationale des Eclaireurs et Eclaireuses du Luxembourg
Membre fondateur de l'Organisation Mondiale du Mouvement Scout

Kontaktpersoun fir d'Naturaktivitéiten


Lynn Kraus
Tel.: 26 480 450 -28
Email: natur@fnel.lu

Homepage

www.fnel.lu/natur

Address Misaershaaff:

Misaershaaff
L-8808 Arsdorf
www.misaershaaff.lu



Avec le soutien financier du Ministère
de l'Environnement, du Climat et de
la Biodiversité